

Bonbiní! Den e di dos boletin informativo di 2021 akí nos ta informá bo di e último notisianan tokante penshun.



Blòg di presidente

Akuerdo di penshun nobo entrante 2021 y bon notisia tokante indeksashon den 2022

Pa nos fondo, aña 2021 tabata dominá pa introdukshon di un akuerdo di penshun nobo pa tur nos partisipantenan. Ya ku riba 20 di mei, den e Konsulta di Sektor Hulanda Karibense, a hasi palabrashonnan nobo tokante e penshunnan di kolaboradónan den enseñansa, kuido i den gobièrnu. Ta pa di promé bia desde ku a funda Pensioenfonds Caribisch Nederland (PCN) na 2010 ku a kambia e akuerdo di penshun.

E akuerdo di penshun nobo ta drenta ku forsa retroaktivo na vigor entrante 1 di yanüari 2021. Den e boletin informativo akí bo ta lesa mas tokante kiko e akuerdo di penshun nobo ta kambia. Den e promé trimèster di 2022 bo ta risibí di nos un informe di konvershon. Akiden bo por mira kon e kambionan den e areglo di penshun ta afektá bo personalmente. Gustosamente nos ta invitá bo tambe pa un enkuentro informativo tokante esaki otro aña.

Tin bon notisia tokante indeksashon. T'asina ku nos ta bai oumentá (indeksá) tur penshun i derechi ku 4% entrante 1 di yanüari 2022. Di e forma ei nos ta sigui e subida di preis promedio (inflashon) na Boneiru, Sint Eustatius i Saba. Nos fondo por oumentá e penshunnan, pasobra e situashon finansiero di nos fondo ta na òrdu.

Pa awor mi kier a deseá abo i bo sernan kerí ya for di awor kaba un bon i ban spera salú 2022. Mi ta spera ku nos lo por topa otro personalmente den e aña nobo.

Harald Linkels, *Presidente*

Esaki ta bai kambia pa bo den e areglo di penshun

Dunadó- di trabou i sindikatonan a ahustá e akuerdo di penshun. Esaki ta nifiká pa pa bo lo siguiente (si ainda bo ta konstruyendo penshun):

- Bo ta konstruí penshun riba e salario ku ta duna penshun te maksimal \$47.500 (riba base fultaim). Anualmente ta indeksá e suma akí. Riba tur loke bo gana mas bo no ta sigui konstruí mas penshun pues.
- Ta baha e porsentahe di konstrukshon anual ku 0,04% di 1,75% na 1,71% (den 2021 esaki ta diferente*).
- Nada no ta kambia den bo (derechinan di) penshun konstruí kaba.
- Entrante 2030 e edat di penshun ta subi ku un aña na 66. T'asina si ku den e areglo di penshun nobo bo por adelantá òf posponé bo penshun.

Ku e adaptashonnan ta keda posibel pa konstruí un penshun di 70% di e salario ku ta duna penshun promedio.

* Paga tinu: konstrukshon di penshun ku ta desviá den 2021

Pa 2021 a hasi palabrashonnan ku ta desviá. Esaki tabata nesario pasobra e akuerdo di penshun nobo ta drenta na vigor entrante 1 di yanüari 2021 kaba, pero dunadó- di trabou i sindikatonan no tabata kier a oumentá e prima di penshun ku forsa retroaktivo. Pa e motibu ei a baha e porsentahe di konstrukshon den e aña akí un bia na 1,35% (i no na 1,32%, manera nos a pensa anteriormente).

Kontinuashon riba página 2 >

Bo ta gana mas ku \$47.500 pa aña?

E ora ei bo konstrukshon di penshun ta bira mas abou ku ántes, pasobra riba e salario ku ta surpasá e suma ei no ta konstruí penshun. Esaki no tin konsekuensia solamente pa bo penshun di behes; e penshun di pareha i penshun di wérfano i e penshun di inkapasidat laboral tambe ta mas abou entrante 1 di yanüari 2021. Kisas ta kumbiniente pa sera un seguro apart pa esaki.

TOKANTE SALÚ FINANSIERO DI NOS FONDO

Komo fondo nos por disidí pa indeksá solamente si e situashon finansiero ta permití esei. Esei ta e kaso na e momentunan akí. Ya ku e grado di kobertura ta bon pará: den òktober esaki tabata 118,7%. Aña pasá na e alturanan akí e grado di kobertura tabata ainda 96,8%. E grado di kobertura ta indiká e relashon entre e kapital ku e fondo di penshun ta poseé i e kapital ku e fondo di penshun tin mester pa por paga tur e penshunnan awor i den futuro. E bolsanan a rekuperá despues di e kaida di aña pasá pa motibu di COVID-19. Tambe e interes aktuarial a subi debí na e desaroyo di e interes di merkado. Esaki tin un efekto positivo riba e grado di kobertura.

E nesidat di un akuerdo di penshun nobo

E último añanan e interes aktuarial a keda baha mas i mas. Si den 2010 nos tabata kalkulá ainda ku un interes di 4%, na komienso di e aña akí esei tabata mas òf ménos 1%. Esei ta nifiká ku awor tin mester di mas prima di penshun pa por konstruí e mes montante na penshun. Den 2010 dunadó- di trabou i sindikatonan sinembargo a hasi palabrashon ku e prima di penshun nunca por ta mas ku 22% di e salarionan total. P'esei e partnernan sosial a haña nesario pa ahustá e akuerdo di penshun. T'asina si ku e ambishon a keda pa e penshun huntu ku e AOV suma mas òf ménos 70% di e salario promedio ku a gana (si bo ta akumulá penshun for di bo 25 aña).

Ken ta hasi kiko?

E akuerdo di penshun ta kontené palabrashonnan ku dunadó- di trabou i sindikatonan a palabrá ku otro. PCN ta ehekutá seguidamente e areglo di penshun. Esei ta nifiká ku PCN ta enkargá ku atministrashon, ta kobra e primanan, ta paga e penshunnan i ta invertí e kapital di penshun.

Notifikashon di konvershon i enkuentronan

Den e promé trimèster di 2022 bo ta risibí di nos un notifikashon di konvershon. Akiden bo por mira kon e kambionan den e areglo di penshun entrante 1 di yanüari 2021 ta afektá bo personalmente. Si tin pregunta tuma kontakto ku nos òf bishitá un di e enkuentronan di informashon ku nos ta bai organisá otro aña. Bo ta risibí pa esaki un invitashon.

Fechanan di pago di e penshun den 2022

Bo ta risibí bo penshun normalmente banda di 16 di kada luna, pero pa mas tarda riba 21 di kada luna. Si riba 21 bo pago di penshun no ta riba bo kuenta ainda, nos ta pidi bo pa tuma kontakto ku nos.



PCN OFISINANAN

Bonaire office

Kaya General Carlos Manuel Piar #5, Bonaire

T +599 717 09 84

E info-bonaire@pensioenfonds-cn.com

Sint Eustatius

Mazinga Square, Oranjestad, Sint Eustatius

T +599 318 32 18

M +599 416 68 60

E info-statia-saba@pensioenfonds-cn.com

Saba

T +599 416 68 60

E info-statia-saba@pensioenfonds-cn.com

Online

F facebook.com/PensioenfondsCN

I www.pensioenfonds-cn.com

NOBO: RESERVA DI PENSUN PA PARTISIPANTENAN AKTIVO

Dunadó- di trabou i partisipantenan ta paga e prima di penshun máksimo na PCN. E suma di prima total ku tin mester pa konstrukshon di e penshun sinembargo den práktika ta kambia kada aña. Esaki prinsipalmente pa motibu ku e interes aktuarial ta move huntu ku e interes riba e merkadonan finansiero. Pa e motibu ei e prima total ku tin mester pa konstrukshon di penshun ta mas abou ku e prima máksimo den un aña i den e otro aña mas haltu. E reserva di penshun nobo ku ta bai krea por brinda solushon e ora ei, segun partnernan sosial.

E ta funshoná di e siguiente forma. Si e prima total ku tin mester pa konstrukshon di penshun den un aña ta mas abou ku e máksimo, e ora ei ta konstruí un reserva ku e restu (e prima ku sobra). Ta usa e reserva di penshun akí e ora ei atrobe si den un otro aña resultá ku hustamente mester di mas prima pa konstrukshon di penshun ku e prima máksimo. Asina altura di e prima ta keda stabil i pronostikabel e añanan benidero i nos ta spar pues den tempunan bon pa tempunan malu. PCN ta tene esaki na bista, abo no mester hasi nada pa esei.